



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Regimine Ecclesiae Episcopalis In Octo Libros Distributus

Antonelli, Giovanni Carlo

Velitris, 1650

§. VII. De tempore praescripto Patronis ad praesentandum.

urn:nbn:de:hbz:466:1-11401

tem, & inter presentatum, & presentantem *cap. ult. de Instit.* unde nec procurator constitutus à Patrono ad presentandum poterit seipsum presentare *Barbos. in d. cap. per nostras in fin. & alij.*

Quare si patronus vnicus sit, & vellet suum de Iure patronatus beneficium consequi, illud ab Episcopo petere, & impetrare debet: vel posset Episcopus mortuo proprio tale beneficium conferre eidem Patrono, qui inhereret, & assentiat collationi predictæ, *ut dicunt Doctores apud Barbos. in d. cap. per nostras, & d. all. 72. num. 90. Viuian. loco cit. lib. 6. cap. 9. num. 6. Gratia. discept. 403 num. 5. & idem posset Capitulum sede vacante Quarant. in eodem ver. quest. 9. vers. Que conclusio.*

51 Si verò sint plures Patroni, siue omnes sint clerici, siue sit vnus clericus, & alter laicus, possunt ex seipsis vnum nominare, & presentare *Rot. decis. 185. nu. 5. p. 2. Diuers. Ricc. in Prax. for. eccles. par. 1. ref. 190.* non tamen potest clericus compatronus simul cum compatronis seipsum presentare, sed presentatio faciendâ est ab alijs compatronis *Viuian. p. 2. lib. 6. cap. 9. num. 11. Barbos. d. all. 72. num. 92.* clericus verò in tali casu presentatus à Compatronis electioni de se factæ consentire potest: & tunc votum eius augebit numerum à deo vt si duo æqualiter sint presentati, quorum alter sit compatronus, consentiendo dictæ electioni, censetur ipse compatronus presentatus à maiori parte *cap. cum in iure peritus*

de elect. Ricc. in Prax. vt supra p. 3. ref. 516. Ciardin. controuers. forens. cap. 69. num. 8. & seq. Viuian. p. 2. lib. 6. cap. 9. num. 13. & seq. vbi etiã obseruat, quod clericus compatronus sic electus debet intra tempus debitum datum ad presentandum post electionem, & presentationem de se factam, consentire, quibus adde Mar. Antonia. var. resol. lib. 1. ref. 51. nu. 5.

52 An verò valeat mandatum datum ad presentandum, antequam beneficium vacet? Resp. quod aut mandatum datur ad presentandum certam personam in casu vacationis beneficii, & mandatum est inualidum: quia continet votum captadæ mortis; aut non est expressa certa persona presentanda, & substatetur mandatum *Ricc. in Prax. for. eccles. p. 1. ref. 175. & decisum refert Beltramin. ad Greg. dec. 420. num. 9.*

§. VII.

De tempore prescripto Patronis ad presentandum.

53 Patronus laicus ad presentandum quadrimestre tempus habet, ecclesia verò semestre *c. vn. S. verum de Iurepatr. in 6. si verò ecclesiæ simul, & laico cõperit ius presentandi, habebunt sex menses, quia ratione communionis priuilegium ecclesiæ transte etiam ad laicum glos. fin. in d. S. verum, quam communiter sequuntur Doctores, etiam si laici habeant maiorem partem, quia magis*

magis dignum erahit ad se minus dignum *Ricc. in Prax. for. eccles. p. 2. ref. 458.* alias transacto dicto tempore poterit Episcopus liberè ecclesiam de Rectore providere *cap. 2. de Suppl. negl. Pralat.* nec possit Patronus elapso tempore amplius moram purgare, *Ricc. in Collect. dec. 119. par. 1.* huiusmodi autem tempus non currit nisi à die scite vacationis: & ideò sciètia debet plenè probari, nec sufficerent testes. de auditu *Ricc. in Prax. ut supra par. 1. ref. 166. Barbos. l. 109. tit. d. par. 3. all. 72. nu. 134. & seq. Rota coram Cavalier. decis. 489. num. 2. & 3. ubi alia decisiones referantur.*

54 Potest tamen Episcopus lapsò tempore admittere Patronum, ad presentandum, si velit, *ut constat ex cap. 2. de supplen. negl. Pralat.* ponderando ibi verbum *liceat*, quod ponit causam in voluntate illius, cui licet, siue id Ordinarius faciat ex iusta causa, ut videlicet possint melius Patroni deliberare super magis idoneo presentando, siue etiam sine causa *Crescon. decis. 11. & 12. tit. de Dilat. quem refert, & sequitur Ricc. in Collect. decis. 2453. par. 6.* Hec tamen prorogatio valebit quidè in præiudicium ipsius Episcopi, *ut dicunt Doctores apud Barbos. d. all. 72. numer. 142. & seq.* non autem in præiudicium superioris, ad quem post tempus ordinario cõcessum demoluitur ius conferendi, *ut d. idem Ricc. in Prax. par. 1. ref. 206.*

S. VIII.

An Patronis liceat plures successivè presentare.

55 **R**espond. Patronum laicum, non autem ecclesiasticum posse plures successivè presentare: & ideò in pluribus presentatis à laico datur Episcopo gratificatio, sed in presentatis ab ecclesiastico potior est primò presentatus *iuxta tex. notab. in c. cum autem de iure patr. glos. in c. cum vos de offic. ordin. Bellett. Disquis. cleric. tit. de Disciplin. cleric. §. 15. nu. 46.* ratio disparitatis est quia presentatio ecclesiastici habet vim electionis, in qua non cadit variatio, sed statim electo acquiritur ius in re *cap. publicato de elect. sed in presentatione laici secus est, quia presentatus tunc tantum acquirit ius ad rem, ut d. Ricc. in Prax. for. eccles. par. 3. ref. 456.*

Quare etiam si laicus possit plures unico etiam contextu presentare *iuxta clem. plures de Iurepat.* id tamen non licet ecclesiastico, quia electio alternatiua à iure reprobatur *in cap. 2. de elect. in 6. & notat glos. in d. clam. plures ver. presentare.*

56 Ampliatur supradicta conclusio, etiam si Patronus laicus presentasset indignum: quia cum in tali casu presentatio sit nulla, poterit intra quadrimestre variare, & alium idoneum presentare. *Barbos. in cap. cum autem nu. 5. de Iurepatr. ubi citat Io. Andr. B. atr. Abb.*